

續天津縣志卷十七

藝文二

天津剿寇紀略

吳惠元

咸豐三年粵逆北犯運使楊公霈爲防禦計捐廉倡率製造抬槍五百桿招募壯勇逐日在署教演名曰蘆團嗣奉

旨前任浙江巡撫梁寶常前任湖南郴州知州吳士俊前任良鄉縣教諭汪彭協同天津地方官辦理團練寶常等公約廩生王鏞與闔邑紳民鋪戶立義民局二十八處每局募勇五六十名不等按期訓練

續天津縣志

卷十七

藝文二
紀略

一

自春徂秋屢奉

廷寄僉知寇竄漸近防守愈嚴八月朔夜風雨大作城西北芥園河隄決口天津道張公起鵬督率官弁堵築河神恍現再築再決芥園隄高與城齊津邑地勢東凹於西乃水不東趨反灌西南夜間紅燈隱約奔流隨之於是靜海滄州一帶彌望汪洋歧途皆爲水沒僅餘大道津城西南亦然衆皆驚異九月二十六日戌刻瞥見城東開口池西南窪中隱隱似木筏停泊諦視若有人潛伏急報義民局鬨然鳴鑼立聚千餘人而筏倏不見時探報寇

已竄至靜海縣屬之譚官屯鹽政文公謙傳令二
十七日黎明闔郡文武齊赴教場屆時官紳兵勇
咸集將出探衆曰誰帶隊者邑侯謝公子澄奮然
曰我何如衆踴躍曰聽命公卽去長袍持槍上馬
民要遮之曰公民之父母不可輕身我等願爲前
趨行至城西小園前途無耗遂暫休息先是邑人
賈慶堂獻策恐賊於水淺處晷渡城北八里宜興
堡弋鳧之雁戶善於水中用佛郎機技藝精熟百
發百中宜扼要設伏以備不虞梁君寶常等皆以
爲然乃招集之是日甫募齊卽令慶堂率往伏於

續天津縣志

卷十七

藝文二
紀略

二

得勝口之東南而礮臺浮橋濠溝亦均於是日畢
工適邑紳張錦文前湖北都司倪虎榜各募勇三
千不期而合赴小園操演維時寇已麇聚於距城
五十里之良王莊各村而我衆不知也二十八日
巳刻突有老人報信云寇已在城西黃家墳造飯
矣言訖不知所往隨登礮臺瞭望寇果蜂擁而來
邑侯謝公率衆迎勦運使楊公親率蘆團堵截邑
人數萬持械相助卽童稚亦制梃以隨賊酋名小
禿子者矯健絕倫賊中呼爲開山王手握黃旗左
右指揮奮迅剽疾鋒銳甚我軍以火槍擊之擊上

則鼠伏擊下則翻空槍甫住則隨煙而進有大沽
老卒詫曰是賊狡滑非巧取不可乃以兩槍上下
交擊之立斃賊氣奪猶豕突而前至伏處呼渡且
誘以利號鑼一鳴雁戶槍排轟發賊紛紛倒地驚
以爲水雷遂大潰是役也斃賊約五百餘而我兵
勇無一傷者自逆匪犯順以來縱橫數省至此而
凶鋒始大挫焉時援軍未到賊衆我寡不敢跟追
賊先遁於楊柳青旋據靜海之獨流鎮聞賊敗後
億甚沿路枕藉僵卧識者云儻有追兵一鼓而殲
矣惜哉十月七日督兵大臣勝保始由深州至津
旋赴獨流勦賊邑侯謝公隨之十一月二十三日
公聞副都統佟公鑑被圍帶勇馳救身受重傷赴
水而亡越日有陣亡役余鵬龍者負公尸而出面
如生次年正月十日賊乘大雪回竄山東荏平縣
屬之馮官屯

續天津縣志

卷十七

藝文二
紀略

三

欽差叅贊大臣親王僧格林沁築長圍困之生擒偽丞相
林鳳祥等解京伏誅焉

西沽浮橋碑記

直隸總督

趙宏燮

先將軍在昔駐節津門余時方習舉子業就順天
鄉試嘗往來衛城北郭外見西沽水勢澎湃行者

病涉卽慨然欲請於先將軍以建浮橋會先將軍奉

命統師討叛不果行及余兩蒙

聖恩監司茲土前後履任未及三載亦未暇爲然自幼時趨庭省侍以及宦遊所至自山左游歷中州凡經閱津渡甚夥則斯橋之志未嘗不時存於中蓋此地上接

神京爲天下水會四方舟車之所輻輳潞河之水建甌而下其水發源塞外自通州入潞河與寶坻縣之潮河合流至此折而東南其西則諸淀爲桑乾

續天津縣志

卷十七

藝文二碑記

四

爲滹爲清爲徐曹雋泮四水爲磁唐沙三河諸水匯集而徒駭滏陽亦由此分流疏派皆自西沽傾瀉與潞河合並趨三汊河以入海其在虹藏角見之時河流就軌兩水交觸尙齟齬不相能至天降時雨百川並漲諸淀之水奔騰洶湧如萬馬紛馳爭隘奪險又如兩軍疾驅卒然相遇前有所拒後不及停湍激奮迅莫可名狀舟師失戒恆多覆溺則斯橋之作蓋未可已也余承

天子寵命自中州移節畿輔復奉

特加總督凡地方大利大弊釐剔修復次第舉行乃

得及於斯橋於是率先捐俸屬長蘆運使宋君師
曾天津道朱君綱鳩工庀材排列巨艦橫貫鐵索
施板覆土南北對峙坦若康衢而又相度行艘時
其啟閉以及鐵貓麻纜百物具備凡用船一十有
六計其長二十有六丈糜白金二千餘兩肇於康
熙甲午歲冬以乙未夏四月訖工橋成二公歸功
於余余曰衆擎則易舉同好則久存余雖一人倡
之而藉諸君之力乃得商民子來恐後於以有成
尚冀後之人同乎斯好時復修葺則斯橋庶幾其
可久也而余伏念先將軍總統

續天津縣志

卷十七

藝文二
碑記

五

王師削平滇黔功著旗常而余又蒙

聖天子永念前人之烈特優

簡拔再世秉旄得縻祿於此以報

君之恩繼親之緒斯橋之作余實有厚幸焉而二君部署
纖悉具有條理其勤於職又可知也用伐石刊事
並勒慕義商民姓名於碑之側

問津書院碑記

運使

盧見曾

世宗皇帝御宇飭天下省會各立書院蓋緣教授等官部
選拘於年例不必盡賢且文又弟子員散處無由
朝夕相見一一端其德行而課其材藝乃於學宮

庠校之外別建一肄業之所禮聘名儒掌其教拔
庠士之尤秀者資以膏火之費使朝夕與居以授
經而講藝焉其爲興德育才計至深遠也嗣是郡
縣有司承

上意旨通都大邑往往設有書院士習烝烝進而益上天
津以百川朝宗之地而爲京師左輔感化最先輶
軒採風者之所首及顧闕焉未興余竊病之前太
平府通判查君爲義告余曰家有廢宅在運署之
西南隅其地高阜而面陽形家以爲利建學盍筮
之筮從白之總督方公觀承署鹽院高公恆均報

續天津縣志

卷十七

藝文二
碑記

六

可援庀材鳩工位其中爲講堂堂三間前爲門後
爲山長書室而環之以學舍凡六十有四間計費
白金二千四百有奇經始於乾隆十六年辛未八
月落成於十七年壬申二月適吉公慶來視鹽政
爲延名師立教條入學鼓篋宵雅肄三賓讌禮成
容止有秩越翼日諸生踵門謁請所以名是書院
者爰進而詔之曰若濱海亦知夫海乎孔子之道
猶海也學者蘄至乎道而止今之制義其津筏也
學者因文見道譬如汎海者正趨鼓楫候勁風揭
百尺維長綯挂帆席然後望濤遠決乘躡絕往以

徐臻乎員嶠方壺蓬島之勝若自厓而返與終身
於斷港絕潢而不能達者皆不得其津者也余姑
導使問焉毋致眩惑於沙汭之雲錦邁忤於暫曉
之蜩像則庶乎其不迷於所往矣諸生再拜曰有
是哉夫子之詔我也敢不顧名思義以勉承教思
於是伐石紀言述事所緣起而名之以問津云

重修儒學碑記

運使 盧見曾

自古建學者必於國之陽塏爽之地宅高勢崇使
瞻而知尊治財用物使久而恆固潔其堂皇使禮
行而肅廣其舍宇使事集而備時其繕完望焉而
若新盛其鼓舞興焉而不倦非是無以宏聖道成
教化也我

朝尊師右文典禮隆備追崇

先聖五代之祀釐正從祀諸儒建書院加特科廣博士
弟子員額九州俎豆之區罔不承流向風以仰副
德意天津於

神京爲左輔東距大海洋舶鹽菜百貨之所輻輳又
自明以來爲軍衛之地其改爲州治因而陞府幾
三十年人心風俗之漸染於功利猶有未克丕變
者所以崇奉學宮習祭菜鼓篋之儀以播絃誦之

雅化視他郡尤爲亟政理之要莫有先焉歲辛未
余遷長蘆運使始至釋奠仰瞻殿壁彫剝門廡欹
斜櫺星門內外水滸而蘆茂席板以渡迺得進而
瞻禮頽垣通市完者亦卑不及肩爲慨然太息者
久之謀修建於臺使者高公恆公曰吾志也按察
司副使董君承勳知府熊君繹祖聞之交贊其事
迺簡官司之能受功者率作興役疏其水而去之
使無復淤雍其草而絕之使無復茁垣宇所設增
其庠植其傾木石所施汰其朽任其壯滌之堊之
丹之獲之自堂徂基周內及外凡學所宜具者靡

不畢舉於是枚枚翼翼瞻者赫然知學宮之尊而
仰聖教之大且將使津之士因是興起以臻乎日
新之盛而復推其餘以及里巷鄉曲之間皆知慕
文學而敦禮讓夫固予所旦夕期之者已是役也
經始於乾隆辛未七月其落成則以十月庚子凡
八十五日而畢工計財用之費爲金一千一百有
奇云抑考天津於明之正統始建學宮歷景泰至
崇正二年而修者五我

朝自順治十年至康熙四十七年而修者四雍正九
年陞州爲府十一年知府李君梅賓修建府縣兩

學迄今甫十八年而修者三是何後之修者若是其亟歟余維津爲水鄉水不治則壅壅則地潰宮之垣墉屋舍因以頽圯官斯土者苟其以時疏濬而葺治之於以敦行典禮崇獎儒術輔成

聖天子覃敷文教之盛而毋視爲緩圖斯則余之所臨文興歎而不能無望於後之人者也

輔仁書院碑記

金洙

道光七年歲在丁亥之春余自保陽奉

命觀察天津下車未久值郡人士重修

文昌宮落成二月三日恭逢

續天津縣志

卷十七

藝文二碑記

九

帝君誕辰率屬設祭周視殿廡規模煥若時董其役者爲邑紳侯君肇安王進士天錫梅舉人成棟適來白曰廟宇旣成擬將聚士林會文其中以立月課余聞之欣然善其意之有當也爲酌立朔望兩課朔日齋課郡人公捐辦理望日官課分道府縣三衙門輪流閱文隨意捐廉以爲獎賞飯食之用黎明齊集日暮交卷行之暮年人數絡繹加增其中二三翹楚學有進境轉歲列優等者七游泮者九未可謂無成效也因思不有經費終難垂久細爲籌畫撥借庫款大制錢捌千串發質庫生息每歲

息錢半歸庫本半充課用時郡守陳公捐施地九
百餘畝邑令沈公捐施地二百餘畝歲入其租用
助膏火就廟旁海潮菴立爲輔仁書院甄定生童
額數八十名酌議條規八則學規十六則交執事
人等遵照辦理議甫定郡人士請記於余以示將
來余曰顧名思義貴實效而黜浮文輔仁者謂其
相輔以仁而以去僞爲急耳夫

國家之興文教卽以培元氣津俗華縟有餘誠篤不
足其可以作模楷而培元氣者惟士爲先諸生等
稟經酌雅稽古綜今當知氣識爲先文藝爲後品

續天津縣志

卷十七

藝文二
碑記

十

行爲本才技爲末蓋倫常者士之根柢也敬恕者
學之本源也根本固則枝葉榮然後出其所學足
爲世用諸生爾其行毋佻薄言毋躁妄植躬毋華
而不實勵學毋銳而易退卽爾司事人等亦書院
之所係也宜廉慎宜公平勿謬執己見勿誤引匪
人勿勤始而怠終勿喜功而好大謹守吾言庶幾
宏造就而緜久遠於輔仁之義乃無負焉

文昌宮重修碑記

梅成棟

帝君乃主持文教尊神往古以來歷昭顯蹟嘉慶六年
崇列祀典

頌諭天下春秋設祭體制嚴肅津郡素奉

威靈建宮城西在乾隆丁未迄今三十九年矣歲久失修敝於風雨牆垣傾圯內外洞然紳等同心矢願捐募重修崇祀

尊神之義稟明通城各憲於道光丙戌七月十七日與工公舉邑紳侯公肇安監理營治

神靈默佑衆善雲集扶僵飭敝三月落成除正殿補葺外添造後殿一座東西配殿六楹字鑪一座照壁一座宮門一座角門屏門各一座門房二間廚茶房各一間圍牆四十餘丈鋪地九十丈冠袍靴帶

續天津縣志

卷十七

藝文二
碑記

十一

諸物若干件統計資費六千四百四十餘千規模式廓丹堊一新仰瞻簷栴翼如煥如莫不洞心豁目於戲盛哉夫興廢靡常廢者興之基興者廢之始也憶前此之失葺致今日之改觀惟願同心歷久踴躍如初庶幾

神宇常新勿令荒廢如故則有賴於後來者正不淺矣津門文教之邦登賢書而捷南宮者蔚然接跡而起凡在士林尤宜崇奉是此宮之興廢士氣之盛衰攸關敬告來茲有厚望焉

重修郡邑學宮碑記

吳惠元

粵稽津郡學宮建自前明正統間初爲衛學

國朝雍正三年改爲州學旋改府學至十二年開府
李敏達公復請於府學西增建縣學規模宏敞氣
象喬皇所以崇

先師而興文教者由來舊矣咸豐庚申海氛不靖郡城
內外多被蹂躪泮宮之地亦有不忍言者壬戌冬
蘆商會議復修計引出貲庀材鳩工自兩廟前後
兩殿兩廡兩祠以及大成門凡龕座香案門榻簷
廊屬在木工一時並舉時逾四月貲近五千而

神位於是各安至於櫺星門泮池橋文昌祠魁星閣禮

續天津縣志

卷十七

藝文二
碑記

十三

門義路堂陞垣墉有基者少應創者多籌款無從
厥功莫繼夫天下事創始旣難圖終尤不易然作
而復輟不足以壯觀瞻而昭敬肅勢胡可已邑紳
張錦文前於癸丑戊午庚申等年屢倡義舉維持
津郡會以捐輸之項請加縣學文武生額各四名
加廣一次文武學額入名諸生因以廟工相告慨
然任之爰請各官捐廉以爲倡凡前之未逮者創
之因之雕斲之丹雘之計自癸亥四月至甲子五
月而工竣且夫

至聖之道與天地參俎豆馨香典禮隆重當廟貌摧殘

之際卽有知尊

聖人者起而復修之此其中關世運焉厥後文教日興
人才蔚起擢巍科而登顯仕胥於是乎在是爲記
新建津邑試館碑記

沈兆澧

京師爲首善之區畿輔以津郡爲近而津邑爲尤
近春秋兩闈士子應試而至者亦津邑爲最盛誠
以仰沐

教澤者倍深也顧津郡所屬六州邑有試館而津邑獨
無鄉先達嘗謀而未遂蓋創始難也夫合衆邑以
建一試館易以一邑而建一試館難至竭一人之

續天津縣志

卷十七

藝文二
記

三

心力創建一邑之試館則更難非具有特識銳然
自在者烏足以觀厥成哉吾邑薊樵華君長祥少
攻舉業嗣營鹽筴每往來京師見鄉會試舉子之
于于而來者擔簞躡屨輒投逆旅欲如他邑之棲
遲試館而不可得乃慨然曰是余之責也爰於正
陽門外東珠市口購舊第一區計數十楹適華君
光燁謁選在都因屬督工修葺閱數月而輪奐一
新凡津邑之應試者咸樂萃處焉吾幸此日之創
成義舉華君長祥可謂能爲人之所難爲矣惟願
後之人念創始之不易歷時整理毋廢舊規居是

館者以學問文章相砥厲科第勲名蔚然日起上以副

聖世作人之化下以愜同鄉雅集之心斯創始者所厚望也夫是役也捐貲首倡始終區畫者華君長祥也朝夕課工會計出納者華君光燁也翕然解橐以應者邑之衆搢紳士庶也捐貲姓氏合勒諸石是爲記

天津營田志

陳儀

天津營田全資潮汐一面濱河三面開渠與河水通潮來渠滿則牯而留之以供車戽中間溝塍池

續天津縣志

卷十七

藝文二

十四

梗宛轉交通四面築圍以防雨澇皆前明汪司農應蛟遺制也汪公至天津見白塘葛沽一帶地斥鹵不耕種間有近河藝豆者每畝收不過二斗以爲此地無水則鹹得水則潤若以閩浙瀕海治地之法行之穿渠灌水未必不可爲稻田而一時文武將吏諸人無肯應命者公乃以身倡之捐俸買牛制器開渠築隄先於葛沽白塘二處種水稻二千餘畝畝收四五石餘種葛豆得水灌溉糞多者亦畝收一二石惟旱稻以鹹立槁於是軍民始信閩浙治地之法可行於北海而各官益信斥鹵可

盡變爲膏腴也於是疏請於

朝以防海官軍萬人分田懇種屯政大興至今土人猶傳十字圍所謂求仁誠足與食力古所貴者是已惟是民雜五方逐魚鹽之利取足旦夕而不爲久遠之計雖禾黍之植亦鹵莽從事至霑塗升挽之勞益視爲畏途以故旋舉旋廢雍正五年營田十字圍今存者賀家口葛沽兩圍而已開局之始賢王深思遠攬以天津當河海咽喉爲

神京牖戶而謠俗偷惰逐末忘本野多未闢之土家無儋石之儲闐闐熙穰田疇蕭寂無以仰副

續天津縣志

卷十七

藝文二

志

十五

聖天子加意郊圻移風易俗之至意又覽左忠毅光斗屯政諸疏大興水利於天津一帶稻花茂密因慨然欲復汪司農之舊蹟發帑委員尋求經理而積習猝難丕變美意未及觀成然圍渠遺址現存稍加修葺未始不可漑糞沃淤長我禾黍也爰記梗槩不忘厥初云爾

趙氏義產輸丁記

趙瑛

樂豫有言葛藟猶能庇其根本是故厚可爲也薄不可爲也矧薄我宗族乎哉我趙氏始祖前明永樂時來自南中占籍海墘爲竈戶於武清縣趙家

莊大小二處聚族而居十有餘世

本朝順治初年我曾祖洪宇公徙居天津逮我祖華亭公我父佐君公三世相承士農兼習資產豐裕務爲敦睦之行凡我族丁有長賦或力不能措悉代輸之償與否固無論也自時厥後雖椒聊繁衍而門戶分析素業亦已漸嗇常恐失德起於乾餱六行衰於任恤繩武無聞詎非詒厥之羞乎瑛無他藝能不敢狃於嵒窳而勤儉無失温飽俾子弟輩估畢家塾循樸素之習保堂構之基誠爲厚幸然皆高曾以來餘慶之所貽也念水木之本源今

續天津縣志

卷十七

藝文二

七

之支分派別雖與瑛遠近有差自先人視之則軫愛惟均而瑛乃薄之敢乎哉通計族竈丁共二十三丁九分五釐五毫既不能使貧乏者悉家給而人足而勉吾力以紓其困俾丁賦無一逋者於今三年矣然而拳拳之意願始終爲之不啻三年也又願吾子孫世世爲之不啻百年也因置得小孫家莊一處計房基園田地七十二畝四分四釐四毫距大直沽先塋里許佃戶十數家每歲租銀三十五兩七錢三分擇族中謹愿者遞司出入凡二十三丁之賦皆取給焉輸將無悞安享太平之福

其贏餘爲春秋祭掃之用合雲仍飫餽餘盡歡而退歲以爲常亦可申敦睦之忱矣自義田旣設之後上其事於官案牘永存又勒之貞珉圖形炳具子若孫必不敢據爲已有族人之心必不敢妄生覬覦如有不肖協力攻之此一時之過慮料他日必有人加惠宗支繼起而式廓焉瑛豈無厚望歟用是備書顛末布告來茲以待我趙氏之亢宗者

孝子水記

胡捷 象三

余友王亦爲擅岐黃術戶外乞方者屢恆滿有趙姓者小民也母老而病求治甚哀亦爲憐之時爲

續天津縣志

卷十七

藝文二記

七

就視授藥餌不取其直趙固貧氓計無所酬素齋水願卽以水爲償亦爲固卻之不得已日以二斛供茶爐余嘗坐其齋見其輸水狀踴躍懇至神致悅樂與泛常售錢自給者有異怪而詢之知其故爲之三歎嗚呼吾見人之爲子者親病寢牀褥積厚鏹莫肯破一錢以充醫藥費且有視其死而莫之顧者矣以視夫甕牖之子奮然不惜其力日輸水以求救其母其人之賢不肖爲何等也以公之術濟彼之誠母病其有瘳乎余因以孝子名斯水亦爲曰甚善亦爲固好客衣冠之族品茶清談者

無虛日味斯水其亦將有感於心耶

王氏別墅記

陳儀

王氏別墅在天津東南十有五里距大河數十步風潮震夜則汨沒之聲崩屋撼枕也四面無鄰土垣周繚可五畝許茅屋十許間軒窗疎豁雜樹數株扶疏掩映雖位置不適而野趣自饒主人以余愛竹值一叢所憩東室外風來瑟瑟作聲夏月取涼夜坐不聞更漏惟視星月爲候往往聞鬼聲鳴鳴村人曰狼耳後每聽聲所發便同生徒輩尋逐之以爲笑樂午飯後徐步河干東望渺瀰潮上海

門濤頭如數點鴉須臾而至則漁艇風帆颯颯也雨過林光如沐蟬聲乍咽聞之爽然秋思惟秋冬之際曠野蕭寂風自大荒來欲攜蓬笠而走其勢恐人劇雪之後饑鴉餓鳶啼號振空令人作墟墓間想然於斯時發奇談以狀魄揆幻彩以破空二三子奕奕神旺轉覺城市中擁鑪垂幕羔酒徵歌墮熱劫而失冷趣也當是時余自謂羲皇上人津人士視之亦如方丈圓嶠得一卽以爲靈境而藁門獨樹若施行馬望之逡逡不敢便入惟老農漁父闖然相尋雖主人不輕來過余據而專之蓋三

四稔矣及仕輦下時時夢至其處居然坐坦軒揚
眉抵掌掉舌縱臆而生徒或默以領或笑以領或
日以受或俛以思而予口津津覺青蓮花香生齟
齟間莊周爲蝶自喻適志也抱疴以來耳中常作
濤聲蝸蟻之鳴乍大乍細第一瞋目則不知身在
何許彷彿天風吹我還到舊遊枕流漱石耳臨風
聽蟬灑然會心不覺病之在吾體阮亨詩云仕宦
幾人爲令僕十年冷落舊山湖若余村墅之適雖
十令僕不易耳嘗聞造物最惜清福不以與人余
之薄劣乃橫據他人所有而潛享之豈不折卻十

令僕耶人生會有得意時余一生得意乃在荒墟
茨屋中受領已極自今言之如武陵漁人出桃花
源旣迷不復得路空向人稱道如此只同說夢也
沈存圃明府塞外詩集序 龍鐸

蓋聞秋士能悲風人善怨登高臨水舒長嘯於林
端卽境寫心飛逸情而雲上一行作吏時寄美人
香草之詞萬里從戎不作劍拔弩張之態遂使洛
陽紙貴頓教紫塞春回乃有章武名賢休文夙望
聲馳藝苑風雅溢於科名出現宰官繭絲變爲撫
字河陽花滿畫清音於珠海灣頭梅里香濃叶逸

雅於紅蕉館畔祇以微愆之偶挂遽膺遠謫以長
征只離星海三千徧踏秦關百二親朋一哭記譜
巾車書劔三生詞成瓠落別海門兮秋泛東籬黃
菊之期弔尋江兮夜遊司馬青衫之淚陰晴異態
南嶺送而北山迎雨雪載途曉風尖而殘月墮所
幸元戎下士書記雍容共知都護憐才館餐稠疊
俛天涯之淪落不相識而相逢念交分之纏緜亦
有神而有道同遊汗漫情往興來獨立蒼茫倡予
和汝起秋笳之陣陣腸斷霜鐘眇歸雁之行行魂
銷雪笠雖淋漓盡致詎忍涉於怨尤卽慷慨當歌

續天津縣志

卷十七

藝文二

三

總不離乎溫厚從此山川草木別有奇芳試看鳥
獸蟲魚俱成異采花門頡利考據爲耳目所經月
窟天方部落亦指揮可畫問尋橦與走索輪臺新
唱竹枝化犢劔與牛刀玉壘更傳鏡吹此日鞞臣
載筆不貴陳編他年軒使採風或資外史
請大京兆具奏紳耆重宴鹿鳴文 徐士鑾
竊以羽儀華

沅青

國賓興開仕籍之先齒德尊鄉師表重儒林之選闢名
場於後甲歲已更新稽瑞榜於先庚人惟求舊共
說桂宮之領袖宜光萃野之笙簧如前任浙江布

政使 日講起居注官翰林院編修沈兆溎畿輔
高門海圻碩望行吳興之別派織簾誦其清芬掇
京兆之巍科解帶伸其素抱旋躋鴈堦直上螭坳
偕左右史以濡毫輝煌玉版歷南北闈而拔藝珍
重金衡江表一磨勞送迎於竹馬淮陽十稔督飛
輓於木牛當兩河兵燹之年力支赤縣洎三晉屏
藩以後榮觀

彤廷旣而子舍養疴午橋息影王筠居官之集傳徧藝
林傳翹治郡之書訂爲家譜計十年之真隱踰八
表之遐齡猶復晝下董帷宵披藪架兀守一瓊之

續天津縣志

卷十七

藝文二
四六文

三

雪牀已板穿間揮五朵之雲筆如籌退踵門客少
談文者許坐春風扶杖孫多繩武者早登秋榜眺
虛窗而草綠吟老圃以花黃洵乎殿聳靈光巍然
霄漢固已筵開真率藉甚風流茲者樽酒重論辦
香同爇試官按籍稱爲平地之神仙太史紀年數
到周天之日月接光輝於南極恰是文星敘沆瀣
於西沽依然舊雨伏願揄揚盛事祓飾耆儒下以
導多士之先聲上以廣

作人之雅化用光奏牘得預賓筵俾棘圍播爲美談卽
粉里因而增色聰強眼耳旣堪魁玉筍之班老缺

齒牙待更赴瓊林之會庶幾躋仁壽域常弁冕乎
羣英始知讀聖賢書足楷模乎一代

謝忠愍公傳

吳惠元

公諱子澄四川新都人舉人咸豐二年任天津知
縣以海運南漕由津剝運公在事出力以應升之
缺升用三年六月逆匪由河南山西竄入直隸連
陷數邑九月犯天津府城公隨鹽政文公招募練
勇晝夜巡防公於稍直口地方擊退賊匪郡賴以
安十一月

諭曰朕素聞天津地方民心強固物力豐饒所練鄉勇人

續天津縣志

卷十七

藝文二
傳

三

等類皆驍健整齊足資禦賊九月二十八日逆匪突竄
天津彼時大兵尙未到齊經文謙等分督防守官兵迎
頭截擊該處練勇隨同天津縣知縣謝子澄直前迎殺
擒斬多名卽鴈戶排槍亦足佐官兵槍礮之不逮該練
勇等忠義勇敢洵屬可嘉使各屬地方盡能如此戮力
同心不特自保身家並可上爲朝廷出力何慮逆氛不
靖城守不堅文謙特克慎張起鵷錢忻和謝子澄平日
撫馭得宜亦可概見著勝保傳旨嘉獎先是公以議敘
同知直隸州用至是得

旨以知府用

賞戴花翎仍暫留本任賊旋竄踞靜海及獨流鎮公以
欽差大臣勝保檄調赴大營督勇協剿於西河一帶列營
賊屢出獨流出撲俱經我兵擊退嗣以靜海股匪
援應復傾巢而出出兵勇奮加轟擊賊沿隄鼠竄副
都統佟鑑思絕其歸路進掣濠板賊死拒佟鑑忽
以路滑失足踣地賊刃鏝集公單騎馳救身受重
傷赴水殉難奏入

諭曰知府用天津縣知縣謝子澄督帶練勇保衛天津民
心感戴自調赴軍營帶勇殺賊極爲奮勇乃以救援佟
鑑身受七傷被害情形尤堪痛惜謝子澄著加恩賞給
續天津縣志 卷十七 藝文二 三三
布政使銜卽照布政使陣亡例賜卹於四川原籍建立
專祠賞給騎都尉世職併於陣亡地方建祠置祀以慰
忠魂十二月

諭曰前因謝子澄剿賊被害賞給騎都尉世職著勝保查
明應襲之人迅速具奏俾得及早承襲謝子澄之子弟
如有堪以帶勇者卽令赴軍營聽候差委再朕聞謝子
澄被害時有勇目余姓竭力救援同時殉難並著勝保
查明准將該勇目附祀謝子澄專祠以彰義烈尋

賜祭葬

子諡忠愍子鴻藻襲騎都尉世職

龍東溟傳

陳儀

東溟龍震字文雷天津人也許身如杜陵野老與時牴牾汔無所就而託於詩老焉天津率用鹽起家相矜爲豪東溟少有分業直數千金一夕徵逋賦吏至門手一符目眈齒齧將發聲東溟迎謂之曰辦矣旦日且上吏暗去立召富人售所業下其直若逋賦之數旦日納之家人皆惋惜嘆詫東溟笑曰取快吾意耳吾不鹽奴輩尙敢向吾門吠聲耶嘗治舉子業庚午與試鄰舍方呶唔屬草稿未定東溟已納牘求出御史疑其犯貼例啓視則七

續天津縣志

卷十七

藝文二

七

義粲然驚顧曰何敏也旣下第遂舍去曰不再辱方東溟之棄鹽不業也人多笑其不能事事家人亦厭之東溟大言曰吾義不爲公等所爲爲卽可立致會有引地求賃不售者東溟卽與爲券期三日付直而挾券說諸小賈約與其利遂出其金酬賃直餘以資舟而貸鹽載之於是募僮客飾車騎奕奕而去家人皆愕至其地設權任數與時消息鹽大行其獲三倍以償諸所貸操其贏以歸日市牛酒徵伎樂大會賓客向之笑者皆稱曰賢哉仲子不持一錢乃自致身若是東溟笑謝曰戲耳狙

僧之事公等乃豔之耶卽易券畀引地諸小賈而退偃於一室絕不與人交通獨愛張仲子笨山之爲人也笨山名霑字念藝兄爲藩伯門業甲三津而笨山蕭然無所與嘗科頭鞞履蹙躄街衢或爲車馬客所辟易所居如村舍自題曰帆齋又營別室於齋之右則亦曰帆齋客徵其故笨山曰吾所居則帆齋也旣爲帆齋容有常處乎此帆齋之義也因歎歎太息人皆疑而怪之獨東溟心知其意東溟豪毅機敏踔厲風發如干將莫邪所向無不立斷雖斂其鋒鏘光爍爍逼人不可狎視笨山則

續天津縣志

卷十七

藝文二

三

蕭散恬泊如山間林下人兩人所趨若不同而相得歡然無所間皆喜爲歌詩以自娛笨山詩如其人尤稱東溟之詩疏宕道逸如司馬子長之文渾脫瀏灑若公孫大娘之舞劍器也然東溟實無意爲詩東溟至性過人而窮於所遇無以通其志引而自疏又義不忍則激而爲狂憤而爲僻幻而爲不近人情詭而爲使酒罵座迫而爲孤爲曠爲達要皆非其真其真無以自見則鬱勃輪囷發而爲詩其遇窮故其音悲其痛深故其詞婉其刺冷故其指微隱而彰邇而遠溫柔敦厚纏緜而悱惻庶

幾乎屈子之離騷自甲戌至於癸巳凡得詩四千餘首甲戌以前之作皆芟去不存其言曰詩也者志也自是之後吾志定矣前此猶妄意將有所爲每與笨山道其故未嘗不相顧流涕也笨山已死漠然無所向更挫廉爲夷頽乎自放嘗間出墟市中沽村醪獨醉則吟嘯而歸或雜賓盈座不忍驅之去則與之飲酒自爲監飛觴糾令客噤不得語俱醉而後罷嘗再遊江南一遊山東遇山水幽奇處輒流連不忍去憑弔感慨至於泣下旣而發狂大叫同遊者皆駭莫能通其意往往拉野人道士與之同飲酣嬉淋漓顛倒而不厭晚乃築別業老夫村自命曰玉紅草堂玉紅草生崑崙之圃食其實者醉三百歲云

朱孝廉傳

陳儀

孝廉朱君同邑字潔臣天津人以好學工文獨步滄瀛之間自老師宿儒及鄉塾小子無不知有潔臣先生也前後試於學使者更十餘人皆拔君第一戊寅安溪相國督畿輔學政擢君冠入郡士貢入成均君性狷急不喜攀援所受知多當代鉅公負海內文望奇君才爭欲出我門下而君卒未嘗

往見每日諸公誠好士其闈隸甯識此意嘗見公
卿門前幾輩寒士攝敝衣冠與若曹罄折低頭斂
手銷盡文人意氣而主人未之知方侈然曰我愛
才能得士某某矣心竊傷之苦吾身以市名非吾
所能也以故君之名不出燕趙而生平之文數變
益奇其上者在臨川嘉魚之間卒無一篇行於世
者年四十有二方舉於鄉入上春官卒無一遇鬱
鬱客死於塾雖其命之然然其志爲可悲也已安
溪相國最爲好士尤加意北地之才士之至者攜
襪被直入邸第閤人不敢詰而君受國士之知嘗

續天津縣志

卷十七

藝文二
傳

七

稱其試牘詞致精簡字畫端秀在翰林中亦當爲
領袖其屬意厚矣然君家最貧賴教讀以救口雖
一再見輒謝去不能留侍左右又性畏人廣坐周
旋常恐失詞取戾同儕蓋君好盡言意所可否輒
衝口而出若伺便而語見色而嘿其所不能也故
甯屏處授徒恣意竭詞析經義之疑發史策之難
伸眉抵掌意氣始得自豪曰古之人庶不余罪也
其言具有條理聞已筆之爲書而秘不以示人洎
安溪之沒泣然曰嘗欲正之吾師而未敢今已矣
安溪多推轂賢士或有爲君覲且慶者君曰宰相

論材如良工之用木莛楹杙桷各有攸施某好善
閭人嫉惡忤物心如激湍磯之則怒口如劍首吹
之則呶斯匹夫之硜硜安所施於天下哉吾師知
我應如我自知也其善自處如此然君實至性過
人好惡所發或不能自制嘗讀書室中忽拍案狂
叫繼復戟手大罵罵已復讀至於流涕被面聲鳴
咽不能出則掩卷而起於衆中聞人間不平事卽
發怒罵不容口或有戲相抵拒者便遷怒其人至
加詬厲天津有大俠四方名士多暱就之以爲利
君聞而賤之見其詩文輒唾棄不一視俠聞必欲

誘之致之卒怒不肯往君屋鄰巨室屋已百餘年
且敝而衢日積高臨其門數尺雨則水內注浸庭
之階鄰欲三倍其直以易君怒曰敝廬受之先人
某雖貧甯可以貨取耶旣早有文譽又善教人經
其指授者多成名故天津富人爭迎君教其子弟
厚糈卑禮恐不當君意而君峭直往往面折其主
人主人雖佯謝之而陰忌其言意或稍怠則大怒
絕去天津皆用鹽鹽爲業居則連甲第出則聯車
騎列鼎選妓相競爲豪故家子往往棄所業爲之
握籌自効冀獲重利諸生老於黌序者求爲之指

畫奔走恐不得路也故讀書者日衰君獨視之如
土菹蕭然鍵戶課其子洛誦日夜不輟雖貧無業
瀕於飢寒之阨者數矣卒饜然不污其身以成其
子之材長函夏以工詩受知安溪相國有名公卿
間次紹夏亦能讀父書爲詩有風調用課讀自給
天津舊家能不汨於利勢巋然獨存門戶者孝廉
一人而已君旣與津人齟齬乃館於靜海元氏之
別墅主人隱君子也與君意相得君暫歸病暑聞
門人輩將就試則力疾馳至館是夜暴卒貧無以
葬僉憲黃公崑圃聞而哀之誌其墓而徧告於賢

公卿曰孝廉力學潔行如此而生死困窮無以爲
好修者勸諸公相與贈賻之者蓋數十人

贊曰孝廉吾邑大廷尉迂叟王公之壻也以就學
徙家文安予年十七試童子孝廉見其卷大奇之
且讀且索衣冠趨造予家時夜漏已二下閉戶欲
睡聞剝啄聲甚急家大人出視君前揖曰來訪耶
君家大人方愕卽誦予文曰能爲某某語豈難見
客乎呼予出見劇談聞晨雞始別去遂爲忘年交
孝廉最愛予文一篇脫稿卽取去手鈔而篋之間
時吟誦喜形於色雖昌歎之嗜未爲定論而憐才

樂善高義固不可沒矣孝廉勇於義多激烈之行
某年會試聞浙江省元伍涵芬沒棘闈前素不識
其人則冒雨往哭之行淖中徧走所知爲之聚錢
以殮不足則祿其橐盡畀之己乃典裘自給其生
平急人多此類故脩脯所獲半以供脫手之贈而
妻孥往往有飢色君之家世行誼已詳誌狀中者
不復具論其性情一往獨至他人或不及知則予
所論次頗以爲得其彷彿也云爾

解月川先生傳

紀 昀

先生諱秉智字月川先世自山西永濟徙天津今

續天津縣志

卷十七 藝文二

傳

三

六代矣先生幼而穎悟讀書一目十行角藝輒冠
其儕偶年二十一入縣學父觀復公以經營家計
不得已棄舉子業期望於先生者甚至先生仰體
親心亦奮自淬厲乾隆丁卯舉於鄉壬申會試未
售揀授涑水縣教諭性故端介不能隨俗爲俯仰
一切仕路酬應之禮亦落落不欲爲惟殫竭心力
務舉其職而已幸儒官閒署不與吏事僚吏亦以
度外置之故得與諸生晨夕講肄文風士風均蒸
蒸蒸日上至奉諱歸里後涑水人猶間關請往主書
院則先生之有造於斯土可知也丁丑成進士分

發甘肅以知縣用得涼州府屬之永昌永昌故衝
衢驛使往來轉運絡繹先生仍堅守素志正供所
應有者纖毫不敢闕正供所不應有者勤恤民力
亦不敢纖毫溢額外竟坐是罷官旣而大吏知輿
論多惜公奏留會城使自效隨監送新疆開墾戶
口遠至伊犁來往備極勞瘁先生恬如也奔走五
載得

恩旨復原官乙酉八月又授慶陽府屬之安化故瘠土
也甫莅任卽早霜傷稼前署事者報未明先生力
請於上官得闔境普賑丁亥復霜災視前倍重蒙

續天津縣志

卷十七

藝文二
傳

三

恩於正賑之外加賑兩月時需糧多而倉儲少欲從部
議以一石一兩折給又糧貴而價不足大吏遂奏
請半用賑糧半用折價原無積穀之州縣則准以
時價採買每石較部價贏八錢所以宣布

德意者甚至安化故無積穀例得採買萬餘石有導先
生領採買之價而以部價給民者先生毅然不肯
且以奏定之價出示俾通知遂頗結怨於僚友先
生亦恬如也然坐是公事多齟齬乃於己丑四月
移疾竟歸歸而門庭蕭寂惟日與兄弟訓課子孫
暇則以棋酒相娛樂名其堂曰友于又繪三荆同

株圖文士多題詠焉如是者三十年林下優游不
萌一出山之想蓋自守確自知審其所見者遠矣
嘉慶三年八月卒享年七十有九遺令速葬故碑
誌未作孤子道倬以余與先生爲同年乞先爲小
傳余乃敘而論之曰

先生之仕宦亦坎坷矣而年未五旬飄然解組享
林泉之樂三十年兄弟怡怡終身無倦而子及猶
子皆登第其所得孰爲多也抑又聞之先生乞歸
之時甘肅風氣已駸駸乎華侈矣久之而遂有監
糧之獄白首同歸然則先生之坎坷其亦天佑善
人使青山獨往歟正不必以所如不合爲先生惜
矣

鄭熊佳小傳

梅成棟

先生名熊佳字南翔號蓬山直隸天津縣人乾隆
二十一年舉人二十五年成進士知廣東惠來縣
事移知甯白縣歷署瓊山樂昌知縣欽州知州先
生性聰敏少受學於紹興周元木學識淵博於書
無所不讀尤工於詩篤交游重文士與同邑金芥
舟老人契分最深相攜至粵東館之署中供壺榼
恣眺覽窮幽絕險數年不倦迄卒爲營身後事罔

勿周備一棺值數百金逮芥舟之嗣迎柩於粵大感慟先生之好義皆類此與芥舟時相唱和彙爲山舟草一卷謂蓬山芥舟合集也先生惠政之在人甚多茲不詳贅

山西平陸縣知縣陸公傳

洪燿

嘉慶乙亥秋冬間山西地震而解州之平陸爲甚民罹於災慘且衆邑令陸公禱於神願以身禳遂自經大吏入告

上念公之與民同患也加贈同知銜卹賞如例廕一子其孤世燾世烈旣歸葬於鄉乃句余爲之傳按狀

續天津縣志

卷十七

藝文二傳

三

公諱樟字摯齋號香嶼浙之山陰人也考諱禹昌妣胡氏昆季七尤以聰穎得父母歡年十二卽失恃哀毀盡禮過於成人越三載而考疾又亟諳諳以書香爲屬公泣而對曰兒敢不樹名節以竟父志是時雖身在苦出研究經史凡有益於民物者咸識之旋讀書浮峰僧舍刻苦自勵兼肆力於詩古文饑驅走京師與伯兄在崑同處稟命惟謹會聞仲兄南海丞卒於官悲不自勝至嘔血不止繼母唐自浙寄書慰諭之思無以釋憂者乃專意習漢隸手寫成帙題曰強心編感親慈志已痛也族

祖某家於津門偉公才延課家塾因入籍入邑庠
文譽日起補廩膳生從遊之士多所造就則有若
沈太史兆滢有若李進士錫旃孝廉朱棠朱棨劉
廷璐王璋張鳳詒戊午舉北闈壬戌成進士充

咸安宮官學教習選授平陸縣令襍被跨驢攜一僕
而往胥役四出迎伺竟不知新官從何來受篆日
署聯於門云斷獄若貪財禍加身首用刑如枉法
殃及子孫殆早以清白吏自矢矣紳士晉謁問疾
苦究利弊常恐其語竭或干以私則曰爾毋以叟
叟亂吾聽平陸脫科第垂三十年公繕葺書院增

續天津縣志

卷十七

藝文二

三

給膏火每課親定甲乙訓之以立志敦品由是鄉
榜無虛且有聯捷他如興水利平道塗振單寒戢
姦宄任事六年俱臻實效載於邑人所撰德政序
者已詳方地之將震也涼秋氣爽星月滿天忽黑
霧迅霆人皆若顛簸於風浪屋瓦羣飛牆壁自卧
無間遠邇但聞地作雷轉聲公亟飭役先諭保約
確查清晨親往履勘兼令親友分路登記而鄉民
多陶穴居山土坼裂悉汨其內歸取編戶冊稽之
被災者尙不止具報之數復按里周巡妥爲賑撫
察訪存沒事未半而委員至首索供應公以辦災

無暇對或且笑諷之日民數多寡君可意爲之耳
我輩奉憲檄助汝經理數之實與不實惟我輩之
口出君何過勞焉公曰某豈樂民災而因以爲利
耶自此大掣肘迨十月二十六日地復撼動公益
念無可與謀乃詣城隍祠告曰民之菑害命之咎
也一震之威已至於此再罹艱脆靡子遺矣某將
偕神請於帝庶貸吾赤子命乎並留書於几有有
母不能事有兄不能見可憐可憐十四字蓋公之
生平無事不從至性流出宜乎士民之環哭失聲
委員亦感愧涕泣而

續天津縣志

卷十七

藝文二
傳

三

天子且鑒其以死勤事之誠更特加

褒恤也抑聞禹貢之砥柱在平陸縣南故公嘗書作砥
柱想之額懸於堂繼見後圃二古槐柯葉藂茂又
建留蔭亭於其下迄今思之豈竟有數存乎其間
耶抑克樹名節仍存乎人而事適與之符合耶公
所著有四書註疏約叅撫異錄及詩文稿若干卷
藏於家配傳孺人子二長世燾任湖南靖州直隸
州吏目次世烈以廕候選縣丞

孝子宋大成傳

梅成棟

吾友孫瑞郊兆麟誠篤士也不妄言一日語棟曰

邑有宋孝子君識之乎因道孝子事甚悉孝子姓
宋名大成家世編戶少孤父沒時遺子女三大成
一姊一弟貧無以養傭身爲奴侍運署庫胥性謹
確胥倚之得漸餬口每日四更方歸歸必市果餌
或饁脯日易其品至母牀前諦視顏色母老且聾
宋大聲呼曰娘今日快乎探物於懷置母前母嘗
之曰甘孝子喜曰今日不空回矣對母徐話日間
瑣事可笑樂者博母歡視母寢乃入室有時視母
色不豫必究問家人誰觸犯者如其妻也擊拳叱
詈令妻長跪謝罪母不霽顏不敢起設犯母者爲

續天津縣志

卷十七

藝文二
傳

三

弟媳呼弟使前痛哭責之曰母少年孀苦人世酸
楚嘗盡撫我弟兄至成人何所圖報忍使衰暮之
年尙不歡乎汝之不謹兄之咎耳自批其頰或擲
身於地搏顙求死弟夫婦感痛流涕謝罪而後已
以是家人無弗謹順者姊之嫁弟之婚皆出其力
姊壻貧不自贍又多子女宋周濟不令母知母又
最憐姊宋事姊夫婦如兄嫂遂全家依之宋爲葺
屋製衣夏葛冬絮不待母言與己同其恩甥男女
如其子女人弗辨爲異姓也瑞郊與宋居隔一壁
動靜瑣屑皆知之兄弟妯娌終歲怡怡無間言二

十餘年如一日棟聞而慨然曰有是哉大成之善
養親志也禮日親之所愛亦愛之親之所敬亦敬
之宋雖奴豎乎卽謂之士君子可也

梅成棟傳

沈兆澧

公諱成棟字樹君號吟齋明駙馬榮定公殷嫡裔
永樂時遠祖自常州遷居天津世爲望族公父雅
村公諱履端少孤事母孝工書法善畫蘭竹不仕
娶導江朱公岷女是爲公母子四公其仲也性孝
友幼穎悟好爲詩受業舅氏仰文朱孝廉光觀之
門弱冠補諸生二十四歲登嘉慶庚申秋榜詩名

續天津縣志

卷十七

藝文二

三

藉甚與慶雲崔曉林旭同出張船山先生房京師
有一門得兩詩人之目船山先生曰此余之崔黃
葉梅宛陵也公獲師友助詩益工天津詩藪也顧
多不自收拾刊刻寥寥公念歷來詩家著作漸就
湮沒迺竭力摭輯無遺精選梓行曰津門詩鈔十
八卷流傳不朽公特創爲之郭外舊水西莊查蓮
坡先生別業也曾集諸名士觴詠流連極一時之
盛道光丁亥公結梅花詩社於其中提唱宗風南
北詩朋分牋迭和幾無虛日而風雅復振迨大名
陶鳧薌太守延主天雄書院與崔曉林高寄泉詩

人襄輯畿輔詩傳而公亦垂老矣公自領鄉薦後十三上春官不售遂息意名場藉硯田爲生活家無儋石而濟人之急無難色親黨中孤寡賴以舉火者若干家故交子弟賴以存活者若干人津邑士子多寒素無力從師戊子公與同里侯公肇安請於金文波觀察立輔仁書院課生童百餘人並倡捐膏火獎賞費以贍貧士公主講十年成就甚衆乙未歲旱糧貴艱食公請於王執軒觀察勸捐賑米設四廠各分男婦一日領五日之糧一人代五人之數查有舊族不便赴廠者輒送米於其家

續天津縣志

卷十七

藝文二傳

三

計施米二萬餘石容黎免饑餒流亡大吏擬請議敘公辭之曰吾非爲榮已計也公之濟人而不自以爲功如此嗣選永平府訓導任七載負笈從遊者室爲之溢因材造就深得士心甲辰六月以疾卒於任年六十有九聞者莫不感泣焉所著有欲起竹間樓詩集十卷古文三卷吟齋筆存四卷儒釋合談一卷管見編四卷子四寶巖諸生早卒寶璐寶熊寶辰皆有聲庠序以文學世其家贊曰公余耐久朋也茲墓已宿草矣猶憶公清癯口吃喜吟詠廣交游不設城府不矜己長不言人

過貌嚴而心慈見義必爲推食解衣不少吝蓋文苑而兼義行者也古所謂鄉先生歿而祭於社者其斯人與其斯人與

吳錦洲傳

沈兆澐

公諱景周字錦洲號向亭雅南其別號也系出宋四川宣撫使武安公玠建炎中武安公扈蹕南遷遂占籍浙江錢塘十傳諱誠明景泰辛未進士仕至雲南巡撫以平安南蠻寇功進通奉大夫卒賜祭葬又九傳諱繩年仕廣東肇慶府知府公會祖也祖諱禾書入籍天津補郡庠生仕刑部郎中改

續天津縣志

卷十七

藝文二

三

歸原籍考諱肇裕早世歿後月餘公始生妣氏金江西九江府知府明源公女公鞠於外祖任所年十九旋津入邑庠庚午丁母金太恭人憂哀毀骨立服闋中嘉慶癸酉順天鄉試副榜丙子挑膳錄時諸子皆漸長公督課嚴於經史外教以身心性命之學耳提面命者十餘年後相繼成名仕宦有聲皆庭訓力也公自甲子至壬午歷秋闈卒不售遂於道光乙酉以謄錄議敘赴江蘇候補辛卯補江甯理問閒曹冷署聽鼓應官外無餘事公樂之日吾藉此藏拙無民社之責簿書之勞縻微精以

培養子孫他何求焉大吏雅重公屢委攝縣篆非公志也然既奉檄雖五日京兆於地方利弊民間疾苦必竭盡心力圖之戊子署鎮江通判客有以包苴進者公曰是將餌我勸法耶非我所願聞峻拒之權篆一年兩袖清風瓜代幾不克就道迨補缺歷署泰興六合縣篆惟以德感人置鞭扑於不用士民頌之曰兩月青天吳父母其梗概可想矣兩荐卓異大吏將畀以專城公曰牧令親民之官非可嘗試博虛名以負無窮之疚吾不爲也故一官二十年大吏僚友皆高之咸豐初調江西公以

續天津縣志

卷十七

藝文二傳

四

年已垂暮引疾就養於子振元清江公寓丁巳歸里時次子惠元官給諫公兩入都勉以時事多艱言官當有建白方無忝厥職毋緘默爲也已未四月初六日以疾卒於里第年七十有九著有強識擇言二卷詩文稿若干卷配徐恭人江西德化縣知縣然公女先公卒咸豐庚申合葬於通州城北五里橋之鳳凰岡子四起元舉人任教諭惠元甲辰翰林仕雲南鹽法道振元舉人仕徐州運河同知燮元江蘇同知孫廷瑞增生

贊曰州縣親民官也而俗以爲利藪公獨不爲志

蓋卓然異矣其後嗣奮興也宜哉

補編

焦午橋先生傳

吳惠元

公諱景新字晴川號午橋世居郡城迤東錦衣衛橋祖文士父天良本生父天相皆以公貴封贈如例乾隆戊申舉於鄉嘉慶辛酉成進士觀政吏部洵升員外郎中掌文選司印甲戌補江南道監察御史巡視東城丁丑充會試同考官得士劉冀程等十四人已卯充會試同考官得士費庚吉等二十人是年九月巡視濟甯漕務道光壬午授江西饒州府知府戊子乞病回籍辛卯九月卒壽六十有九公任部曹時同年某劾法力諫弗聽事敗遣戍公厚贖之各省卓異州縣官引 見多逾例限公稔知其弊及官御史疏請嚴定期武清煤廠鎮有牙僧阻撓集場奏下順天府查辦民至今便之勒碑紀其事其巡城也不逐流倡初犯竊者不刺字或問故曰京師地大逐此匿彼徒利役胥無益也民初犯竊猶有悔心刺字則捕役挾持欲不爲盜不得矣迨出守饒州多惠政有民婦子溺水死誣人謀殺久不成讞公下車一鞠而服餘干

續天津縣志

卷十七

藝文二

四

縣石虹山產煤爭利者糾衆械鬪令不能制遽上
變大府檄公偕參將其將兵三百往旣至某將捕
勦公急止之曰此百姓私鬪耳非敢反也奈何妄
殺耶乃曉以利害逮爲首者數人餘皆遣去郡屢
早公齋戒禱雨輒應童生郡試或以賂進公曰吾
亦欲子孫讀書此何爲耶其人慚而退有僞投家
書者左右請付吏公謂此必鄉人之貧者欲得寄
書錢耳置不問反厚贈之平生喜書倉卒不廢讀
舟車必以隨著有多識類鈔同文拾瀋雜字姓函
叶韻闕斑詩若干卷藏於家配宋恭人側室陳太
恭人子祐溁祐瀛孫駿聲皆舉人